




東坡集卷之



東坡先生年譜



仁宗皇帝景祐二年丙子

先生生於是年十二月十九日卯時案先生送沈遠詩云嗟

我與君皆丙子又有贈長蘆長老詩云與公同丙子三萬六千

日又案玉局文云十一月十九日東坡生日置酒赤壁磯上又

案志林去退之以磨蝎爲身宮而僕以磨蝎爲命若以磨蝎爲

命推之則爲卯時生議者以先生十二月爲辛丑十九日爲癸

亥日丙子癸亥水向東流故才汗漫而澄清子卯相刑晚年多

東坡集卷一

年譜

一

難東坡志林韓退之詩我生之辰月宿南斗乃知退之以磨蝎
爲身宮僕以磨蝎爲命宮平生多得謫譽殆同病也滌雪齋
補

四年丁丑

寶元元年戊寅

二年巳卯

康定元年庚辰

慶歷元年辛巳

二年壬午

是年先生七歲已知讀書案先生上韓魏公梅直講書云自七



八歲知讀書又案先生長短句集洞仙歌自序云僕七歲時眉州老尼姓朱年九十餘能知孟昶宮中事又考

齋夜話載先生云某七八歲時常夢遊陝右

三年癸未

是年先生八歲入小學案志林云吾八歲入小學以道士張易簡爲師師獨稱吾與陳太初者又案先生作范文正公文集序云慶歷三年某始入鄉校士有自京師來以魯人石守道慶歷聖德詩示鄉先生某從旁竊觀問先生十一人何人也先生曰童子何用知之某曰此天人也耶則不敢知若亦人耳何爲其不可

四年甲申

東坡集卷一

年譜

二

五年乙酉

案子由作先生墓志云公生十年而先君宦學四方太夫人親授以書問古今成敗輒能語其要太夫人讀東漢史至范滂傳慨然太息公侍側曰某若爲滂夫人亦許之否乎夫人曰汝能爲滂吾顧不能爲滂母邪公亦奮厲有當世志太夫人喜曰吾有子矣又案大全集載東坡少時語云秦少章言東坡十來歲蘇曾令作夏侯太初論有人能碎千金之璧不能無失聲於破釜能搏猛虎不能無變色於蜂蠆之語老蘇愛此論年少所作

故不傳又案趙德麟所編侯鯖錄云東坡年十歲在鄉里見老蘇誦歐公謝宣召赴學士院仍謝賜對衣金帶及馬表老蘇令坡擬之其間有匪伊垂之帶有餘非改後也馬不進老蘇喜曰此子他日當自用之

六年丙戌

七年丁亥

先生年十二案先生所作天石硯銘曰某年十二時於所居紗穀行宅隙地中與羣兒鑿地為戲得異石鏗然扣之有聲又案先生作鍾子翼哀詞云某年十二先君宮師歸自江南又案先生與曾子固書云祖父之沒某年十二矣

東坡集卷一

年譜

三

八年戊子

皇祐元年己丑

二年庚寅

三年辛卯

四年壬辰

先生年十七案長短句滿庭芳序云予年十七始與劉仲達往

來於眉山

五年癸巳

至和元年甲午

先生年十九始娶眉州青神王方女案先生作王氏墓志云生十有六歲而歸于某至治平二年王氏卒年二十七以王氏年數考之則甲午年歸于先生明矣

二年乙未

是歲先生年二十游成都謁張安道案先生作樂全先生文集序云某年二十以諸生見公成都一見待以國士有晁美叔是年求交於先生案送美叔詩云我生二十無朋儔當時四海一子由君來叩門若有求

東坡集卷二

年譜

四

嘉祐元年丙申

先生年二十一舉進士案鳳鳴驛記云始予丙申歲舉進士過扶風求舍於館人不可而出次於逆旅又有寫老蘇遠石舍人序

二年丁酉

先生年二十二赴試禮部館于興國寺浴室院案先生作興國六祖畫贊云余嘉祐初舉進士館于興國浴室院時歐陽文忠公考試得先生刑賞忠厚之至論以爲異人欲冠多士疑曾子

固所爲子固文忠門下士也乃寘先生第二復以春秋對義居

第一及殿試章衡榜中進士乙科始見知于歐陽公及韓魏公
富鄭公皆待以國士又案先生作太息一篇送秦少章歸京云
昔吾舉進士試名於禮部歐陽文忠公見吾文且曰此我輩人
也吾當避之是時士以剽裂爲文訕公者成市又有上韓太尉
書云某年二十有二矣及有上梅直講書是年先生登第之後
四月丁太夫人武陽君程氏憂案司馬溫公作程夫人墓志云
夫人以嘉祐二年四月癸丑終於鄉里又案老蘇寄文忠公書
云二子不免丁憂今已到家

三年戊戌

東坡集卷一

年譜

五

四年己亥

是歲先生年二十四服除十二月侍老蘇舟行適楚案先生南
行前集序云己亥之歲侍行適楚舟中無事雜然有觸於中而
發於咏歎蓋家君之作與弟轍之文皆在焉謂之南行集

五年庚子

是歲先生年二十五授河南府福昌縣主簿有新渠詩其序云
庚子正月予過唐州太守趙侯始復三陂疏召渠爲新渠詩五
章以告于道路致候之意

六年辛丑

是歲先生年二十六應中制科入第三等有應制科上兩制書
及上富丞相書又有謝應中制科啟授大理評事鳳翔府簽判
案先生有感舊詩序云嘉祐中予與子由奉制策寓居懷遠驛
時年二十六子由年二十三耳是年十二月赴鳳翔任與子由
別馬上賦詩到任有石鼓詩云冬十二月歲辛丑我初從政見
魯叟及有鳳翔八觀及鳳鳴驛記

七年壬寅

先生年二十七官于鳳翔二月有詔郡吏分往屬縣決囚作詩
五百言寄子由又有壬寅重九不預會遊普門寺僧閣有懷子

東坡集卷一

年譜

六

由詩及案志林有論太白山舊封公爵爲文記之是歲嘉祐七
年也又有記歲莫鄉俗三首以子由和守歲詩考之云顧兔追
龍蛇子由注云是歲壬寅乃知記歲莫鄉俗三詩作於壬寅歲
矣

八年癸卯

先生年二十八官于鳳翔作思治論

英宗皇帝治平元年甲辰

先生年二十九官于鳳翔

二年乙巳

先生年三十自鳳翔罷任案子由作先生墓志云治平二年罷還判登聞鼓院英宗皇帝在藩邸聞先生名欲以唐故事召入翰林宰相限以近例召試秘閣皆入三等得直史館是年通義郡君王氏卒於京師

三年丙午

先生年三十一在京師直史館丁老蘇憂扶護歸蜀案歐陽文忠公作老蘇墓志云明允太常因革禮書一百卷書成方奏未報君以疾卒實治平三年四月戊申也又案張安道作老蘇文安先生墓表云太常禮書成未報以疾卒實治平三年四月也英宗皇帝聞而傷之命有司具舟載其喪歸葬于蜀

東坡集卷一

年譜

七

四年丁未

先生年三十二居服制中以八月壬辰葬老蘇于眉州

神宗皇帝熙寧元年戊申

先生年三十三免喪案四菩薩閣記云載四菩薩版以歸既免喪嘗與往來淨屠人勸某爲先君捨施爲大閣以藏之作記乃熙寧元年十月

二年巳酉

先生年三十四還朝監官告院案烏臺詩話云熙寧二年某在

京授差遣與王詵寫詩賦及蓮華經

三年庚戌

先生年三十五監官告院有送章子平詩其序云熙寧三年平

子平

自右司諫直集賢院出牧鄭州賦詩餞之又有送錢藻知婺州

詩分韻得英字送曾子固倅越詩分韻得燕字烏臺詩話云舊

例館閣補外同舍餞送必分韻又有寄劉貢甫詩是年范景仁

嘗舉先生充諫官

四年辛亥

先生年三十六任監官告院兼判尙書祠部王荆公欲變科舉

東坡集卷一

年譜

八

上疑焉使兩制三館議之先生獻三言荆公之黨不悅命攝開

封府推官有奏罷買燈疏御史知雜事誣告先生過失未嘗一

言以自辨乞外任避之除通判杭州有赴任過揚州與劉貢甫

孫巨源劉莘老相聚數月用逐人字作詩十一月到任有初到杭

州寄子由兩絕除夕先生以通判職事直都廳日莫返舍題一

詩于壁

五年壬子

先生年三十七在杭州通判任是歲有牡丹記其序云熙寧五

年三月二十三日予從太守沈公觀花於吉祥寺是年科場先

生監試有呈試官詩及試院煎茶詩催試官考較戲作八月十七日登望湖樓是日勝出與試官兩人復留有五絕句又有送杭州進士詩序云熙寧五年錢塘之士貢於禮部者九人十月乙酉宴于中和堂偁是詩以勉之十二月運司差先生往湖州相度堤埤利害與湖州太守孫莘老相見有贈莘老七絕及作山邨五絕是歲又作送杜子方詩及臘月遊孤山訪惠勤惠恩二僧有詩

六年癸丑

先生年三十八在杭州通判任有八月十五觀潮詩寫于安濟

東坡集卷一

年譜

九

亭上及作仁宗皇帝飛白記其略云熙寧六年冬以事至姑蘇安簡王公子誨出所賜公端敏二字又有作錢塘六井記其略云熙寧五年太守陳公述古至問民之利病明年春六井畢修故詳其語以告後人運司又差先生往潤州道出秀州錢安道送茶和詩是歲有次韻章傳道詩和劉貢甫秦字韻詩寄劉道原詩及和陳述古冬日牡丹詩四絕又有題贈法惠師小童思

聰

七年甲寅

先生年三十九在杭州通判任正月遊風水洞推官李茂先行

三日留風水洞相待有詩題壁是年納侍妾朝雲墓志云朝雲
姓王氏錢塘人事先生二十有三年紹聖三年卒于惠州年三
十四以歲月考之熙寧之甲寅至紹聖之丙子恰二十三年乃
知納朝雲在是年明矣朝雲年三十四是爲癸卯生來事先生
方十二云先生以子由在濟南求爲東州守案子由超然臺賦
序云子瞻通守餘杭三年不得代以轍之在濟南也求爲東州
守旣得請高密五月乃有移知密州之命案先生作勤上人詩
集序云熙寧七年予自錢塘赴高密又案先生辛未別天竺觀
音詩序云子普通守錢塘移葑膠西以九月二十日來別南北

東坡集卷一

年譜

十

山道友乃知先生以秋末去杭案先生記遊松江說云吾昔自
杭移高密與楊元素同舟而陳令舉張子野皆從予過李公擇
於湖遂與劉孝叔俱至松江夜半月出置酒垂虹亭上子野年
八十五以歌詞聞於天下作定風波令及道過常州爲錢公輔
作哀辭及有與段屯田詩云龍鍾三十九勞生已彊半歲莫日
斜時還爲昔人歎是年又作鳧繹先生文集序又有師子屏風
贊云潤州甘露寺有唐李衛公所留陸探微畫師子版子自錢
塘移守膠西過而觀焉是年先生在潤州道上過除夜則師子

贊必在是年矣又有潤州道上過除夜詩兩絕

八年乙卯

先生年四十到密州任有上韓丞相論災傷書其到任二十餘日矣又論密州鹽稅又作後杞菊賦其序云予仕宦十有九年

年家日益貧移守膠西而齋廚索然案先生丁酉年登第至是

恰十九年矣是年有送劉孝叔吏部詩及和李公擇來字韻詩及常

山祈雨感應立雲泉

九年丙辰

先生年四十一在密州任作刻秦篆記云熙寧九年丙辰蜀人

蘇某來守高密是年中秋歡飲達旦作水調歌頭懷子由及作

東坡集卷一

年譜

十一

薄薄酒二章又寫超然臺記寄李清臣又祭常山神文書膠西

蓋公堂照壁畫贊及作山堂銘作表忠觀碑

十年丁巳

先生年四十二在密州任就差知河中府已而改知徐州四月

赴徐州任有留別釋迦院牡丹呈趙倅詩案子由作先生墓志

云自密徙徐是歲河決曹邨乃知是丁巳自密改東徐又與子

由相會於澶濮之間相約赴彭城留百餘日宿於逍遙堂子由

有兩絕先生和之徐州水患大作七月十七日河決澶州曹邨

埽八月二十一日及徐州城下先生治水有功至十月五日水

漸退城以全朝廷降詔獎諭作河復詩韓幹畫馬歌司馬君實
獨樂園詩及送范蜀公往西京詩又有和子由水調歌頭詞及
有與王定國顏長道泛舟詩有回頭四十二年非之句

元豐元年戊午

先生年四十三在徐州任適值春旱徐州城東二十里有石潭
田虎頭其中可致雷雨作起伏龍行是年三月始識王迴子高
聞與仙人周瑤英遊作芙蓉城詩二月有旨賜錢二千四百一
十萬起夫四千二十三人及發常平錢米改築徐州外小城創
木岸四以獎諭勅記并刻諸石爲熙寧防河錄云迺卽徐州城

東坡集卷一

年譜

三

之東門爲大樓聖以黃土名之曰黃樓以土實勝水故也子由
作黃樓賦先生跋云元豐元年八月癸丑樓成九月庚辰大合
樂以落之又有中秋月三首云六年逢此月五年照離別先生
注云中秋有月凡六年矣惟去歲與子由會於此去歲之會乃
逍遙堂和詩之時也又有九日黃樓作古詩一首云去年重陽
不可說南城夜半千漚發之句以去年九月大水未退故有是
語又作放鶴亭記滕縣公堂記鹿鳴燕詩序和魯直古風二首
及次韻潛師放魚和舒堯文祈雪詩祭文與可及作石炭詩又

作日喻一篇

二年己未

先生年四十四在徐州任正月己亥同畢仲孫舒煥八人游泗
之上登石室使道士戴日祥鼓雷氏琴先生有記案玉局文云
僕在徐州王子立子敏皆館于官舍而蜀人張師厚來過二王
方年少吹洞簫飲酒杏花下三月自徐州移知湖州案先生作
張氏園亭記云予自彭城移守吳興由宋登舟三宿而至其記
乃三月二十七日所作乃知三月移湖州明矣是年以四月二
十九日到湖州任作送通教大師還杭州序及爲童質夫作思
堂記王定國作三槐堂記跋歐陽文忠公家書後在湖州王子

東坡集卷一

年譜

三

立子敏皆從先生作子立墓志云子立子敏皆從予學於吳興
學道日進東南之士稱之有與王郎昆仲及兒子邁遠城觀荷
花登岷山亭晚入飛英寺分韻得月明星稀四首又有泛舟城
南會者五人分韻得人皆苦炎字四首又作文與可畫篔簹谷
偃竹記其末云元豐二年七月七日予在湖州曝書見畫廢卷
而哭失聲是歲言事者以先生湖州到任謝表以爲謗七月二
十八日中使皇甫遵到湖追攝案子立墓志云予得罪於吳興
親戚故人皆驚散獨兩王子不去送予出郊曰死生禍福天也
公其如天何返取子家致之南都又案先生上文潞公書云某

始就逮赴獄有一子稍長徒步相隨其餘守舍皆婦女幼穉至宿州御史符下就家取書州郡望風遣吏發卒圍船搜取長幼幾怖死既去婦女恚罵曰是好著書書成何所得而怖我如此悉取焚之八月十八日赴臺獄中有寄子由詩二首及賦榆槐竹柏四詩又有十二月二十日恭聞太皇太后升遐更以某罪人不許成服欲哭則不可欲泣則不敢作挽詩一首已而獄具十二月二十九日責授黃州團練副使本州安置是年子由聞先生下獄上書乞以見任官職贖先生罪責筠州酒官出獄再次寄子由二詩韻有百日歸期恰及春之句先生自八月坐獄

東坡集卷一

年譜

十四

至是踰百日矣

三年庚申

先生年四十五責黃州自京師道出陳州子由自南都來陳相見三日而別先生有古詩有便爲齊安民之句又與文逸民飲別携手河堤上作詩與子由別乃正月十有四日也至十八日蔡州道上遇雪有次子由韻古詩二首過新息縣有示鄉人任師中一首任伋字師中眉州人嘗倅黃州卜居新息先生以詩示之又有過淮詩遊淨居寺詩至岐亭訪故人陳慥季常爲留

五日賦詩一首而去乃以二月一日至黃州寓居定惠院有初

到黃州詩案先生別王文甫子辨云僕以元豐三年二月一日到黃州家在南都獨與兒子邁來是年五月子由來齊安先生有詩迎之又有曉至巴河迎子由詩及與子由同遊武昌西山寒溪寺有古詩一首定惠顛師爲先生竹下開嘯軒作詩記其事又作五禽言又有定惠寺寓居月夜偶出詩云去年花落徐州對月酣歌美清夜今年黃州見花發小院閉門風露下蓋懷在徐州與張師厚主子立子敏飲酒杏花下時也定惠有海棠一株土人不知其貴先生作詩有也知造物有深意故遣佳人在幽谷之句案近日黃州東坡圖云先生寓居定惠未久以是春遷臨臯亭乃舊日之回車院也又有遷居臨臯亭詩先生就臨臯亭立南堂有詩五絕又有讀戰國策及作石芝詩先生是歲又有荅秦太虛書借得本州天慶觀道士堂冬至後坐四十九日先生乳母王氏八月卒于臨臯亭案先生上文潞公書云到黃州無所用心單思易論語若有所得由是言之先生到黃定居之後卽作易傳九卷論語五卷必始於是歲矣

四年辛酉

先生年四十六在黃州寓居臨臯亭正月往岐亭訪陳季常以岐亭五首考之云元豐三年正月岐亭爲留五日明年正月復

往見之過古黃州獲一鑑周尺有二寸有鑑銘云元豐四年正月予自齊安往岐亭泛舟而還過古黃州獲一鑑周尺有二寸是年先生請故營地之東名之以東坡考東坡八首序云予至黃二年日以困匱故人馬正卿哀予乏食於郡請故營地使躬耕其中蓋先生庚申來黃至辛酉爲二年矣以東坡圖考之辛酉方營東坡次年始築雪堂以贈孔毅甫詩觀之去年東坡拾瓦礫今年刈草蓋雪雪堂則雪堂作於壬戌歲明矣又有中秋日飲酒江亭上有贈鄭君求字及記游松江說聞捷說案大全集雜說云元豐辛酉冬至僕在黃州姪安節遠來飲酒樂甚以識一時盛事又有冬至贈安節詩云平生幾冬至少小如昨日又有與安節夜坐賦繁字韻詩三首及正月過岐亭作應夢羅漢記

東坡集卷一

年譜

六

五年壬戌

先生年四十七在黃州寓居臨皋亭就東坡築雪堂自號東坡居士以東坡圖考之自黃州門南至雪堂四百三十步雪堂間云蘇子得廢圃於東坡之陂號其正曰雪堂以大雪中爲之因繪雪於四壁之間無容隙其名蓋起於此先生自書東坡雪堂四字以榜之試以東坡圖考雪堂之景堂之前則有細柳前有浚井西有微泉堂之下則有大冶長老桃花茶巢元脩菜何氏

叢橘種秔稌蒔棗栗有松期爲可斲種麥以爲奇事作陂塘植
黃桑皆足以供先生之歲用而爲雪堂之勝景云耳以長短句
擲斜川觀之元豐壬戌之春予躬耕東坡築雪堂以居之南挹
四望亭之後西控北山之微泉慨然而歎此亦斜川之遊也作
江城子詞是年三月先生以事至蘄水觀悼徐德古詩序云元
豐五年三月予以事至蘄水德占惠然見訪又有春夜行蘄水
過酒家飲酒乘月至一橋上曲肱少休作西江月詞又遊蘄水
清泉寺作浣溪沙詞又作寒食詩二首云自我來黃州已見三
寒食先生庚申二月來黃至是三寒食矣太守徐君猷分新火

東坡集卷一

年譜

七

先生有詩謝之有臨臯亭中一危坐三見清明改新火之句七
月遊赤壁有赤壁賦云壬戌之秋七月既望蘇子與客泛舟遊
於赤壁之下十月又遊之有後赤壁賦以東坡圖考之後赤壁賦

云十月既望蘇子步自雪堂將歸于臨臯則壬戌之冬未遷而
先生以甲子六月過汝則居雪堂止年餘由是推之先生自臨

臯遷雪堂必在壬戌十月之後明矣又有和孔毅甫久旱已甚而

兩三首云去年太歲空在酉乃知指去年辛酉而言之也又案

長短句有飲王文甫家集古句作墨竹定風波及夢扁舟望樓

霞作鼓笛慢及記單驤孫兆事迹作怪石供及重九作醉蓬萊

示黃守徐君猷有羈旅三年之句先生庚申來黃至是恰三年矣

六年癸亥

先生年四十八在黃州爲通判孟亨之跋子由君子泉銘及有題唐林夫筆文閏八月有詩與武昌主簿吳亮工又有記承天夜遊云十月十二夜至承天寺尋張懷民相與步於中庭庭中如積水空明水中藻荇蓋竹柏影也及作一絕送曹煥往筠州序云明年予過圓通始得其詳先生甲子歲自黃之江遊廬山則送曹煥詩必在是年矣又夢中作祭春牛文云元豐六年十

東坡集卷一

年譜

六

二月二十七日天欲明夢數吏人持紙請祭春牛文子取筆疾書其上

七年甲子

先生年四十九在黃州二月與徐得之參寥子步自雪堂至乾明寺有師中菴題名又有記定惠寺海棠說四月乃有量移汝州之命案先生長短句滿庭芳序云四月一日子將自黃移汝留別雪堂鄰里二三君子李仲覽來書以遺之詞中有坐見黃州再閏之句案東坡圖云郡人潘邠老及弟大觀俱以詩知名多從先生游先生去以雪堂付之邠老因以居焉四月六日又

作安國寺記有別黃州詩有過江夜行武昌山上聞黃州鼓角
詩黃州送先生者皆至於慈湖陳季常獨至九江既到江州和
李太白潯陽宮詩其序云今予亦四十九感之次其韻因游廬
山有記遊廬山說云僕初入廬山山谷奇秀平生所欲見應接
不暇不欲作詩已而山中僧俗皆曰蘇子瞻來矣不覺作一絕
入開先寺主僧求詩作瀑布一絕往來十餘日作漱玉亭三峽
橋詩與總老同游西林有贈總老及題西林壁皆絕句也又有
寫寶蓋頌與僊長老其序云圓通禪院先君舊遊也四月二十
四日晚至宿焉明日先君忌日寫寶蓋頌以贈長老僊公蓋先

東坡集卷一

年譜

九

生端午已在筠州計程必作宮師忌日之後卽爲高安之行矣
塗中又有題李公擇山房及過建昌李野夫公擇故居有古詩
一首案跋李志中文云元豐七年某舟行赴汝乃自富川陸走
高安別家弟子由以冷齋夜話考之子由在筠州雲菴居洞山
聰禪師亦蜀人居壽聖寺一夕三人同夢迎五祖戒和尚拍手
大笑曰世間果有同夢者異哉久之東坡書至日已至奉新旦
夕相見三人同出二十里建山寺而東坡至各追繹所夢坡曰
某年 七八歲時嘗夢某身是僧往來陝右雲菴驚曰戒陝右

人也莫年乘五祖來遊高安終於大愚逆數蓋五十年而坡瞻

年四十九矣又以先生古詩考之有自興國往筠宿石田驛詩
及將至筠州先 寄遲適遠三猶子詩端午遊真如寺及別子
由三首在筠州爲留十日又有初別子由至奉新作皆先生筠
州之作也七月過金陵有與葉致遠唱和詩途中又有送沈達
赴廣南詩云嗟我與君皆丙子四十九年窮不死又云我方北
渡脫重江君復南行輕萬里逼歲到泗州十二月十八日浴雍
熙塔下作如夢令兩闕又作滿庭芳與劉元達序云子年十七
與仲達往來於眉山四十九相逢於泗上晦日同遊南山話舊
感歎又有跋李志中文天石硯銘又作水龍吟及有謝黃師是

東坡集卷一

年譜

二

除夜送酥酒詩先生上表乞於常州居住其略云今雖已至泗
州而費用罄竭見一面前去南京聽候朝旨又考騾馱鐸試筆
云正月四日離泗州則是除夜在泗州明矣

八年乙丑

先生年五十案大全集雜說騾馱鐸試筆云今日離泗州然吾
方上書求居常州乃正月四日書及到南京有放歸陽羨之命
遂居常州五月內復朝奉郎知登州再過密州有贈太守霍翔
詩云十年不赴竹馬約蓋先生丁巳歲去密至是以成數爲十
年矣過海州歎高麗館壯麗作一絕到郡五日以禮部郎官召

到省牛月除起居舍人在登州有海市詩又有別登州舉人詩
有莫嫌五日忽忽守之句又有贈杜介詩及題楞伽跋多寶院
文又有題登州蓬萊閣及跋起居錢公文後

哲宗皇帝元祐元年丙寅

先生年五十一以七品服入侍延和改賜銀緋尋除中書舍人
案志林云元祐元年予爲中書舍人復遷翰林學士知制誥是
年有法雲寺鐘銘又作直相院釋迦舍利塔銘及作元祐元年
九月六日明堂赦文又有丙中告遷神御於新添脩殿奉安祝
文及奉告天地社稷宗廟宮觀寺院祈雪祝又五嶽四瀆祈雪
祝文及任中書舍人日舉江寧府司理周種克學官及除內翰
又有舉魯直自代狀

二年丁卯

先生年五十二爲翰林學士復除侍讀有書石舍人北使序後
及有與喬全寄賈君詩其序云元祐二年同來京師十數日子
留之不可又有二月八日朝退起居院感申公故事作一絕又
有書子由日本扇後及作祭王宜甫文又作興國寺六祖畫贊
云嘉祐初舉進士館於興國浴室院予去三十一年而中書舍
人彭器資亦館於是予往見之案先生嘉祐丁酉舉進士至元

祐丁卯恰三十一年矣是年又作西京應天院修神御畢告遷
諸神祝文及奉安神宗皇帝神御祝文及景靈宮宣光殿奉安
神宗皇帝御容祝文五嶽四瀆祈雨祝文天地宗廟社祈雨祝
文景靈宮天興殿開淘井眼祭告里域真官祝文

三年戊辰

先生年五十三任翰林學士有和子由元日省宿致齋有白髮
蒼顏五十三之句是年省試先生知貢舉開院日有與李方叔
詩序云僕與李薦方叔相知久矣僕領貢舉事李不得第媿甚
作詩謝之又和錢穆父雪中見及有行遊門生時小飲之句又

東坡集卷一

年譜

三

克館伴北使案先生與陳傳道書云某頃伴北使頗能誦某文
乃知先生高文大冊傳播夸真又豈止及於雞林行賈而已哉
是年作呂大防范純仁左右相制端午帖子詞元祐三年六月
德音赦文及作西路關兩祈雨祝文案趙德麟侯鯖錄云東坡
云元祐三年二月二十一日與魯直祭于啟會于伯時舍錄也
仙詩又有議論作詩付過又有論樂等說及與王晉卿論雪堂
義墨及爲文驥作字說又十二月二十一日立延和殿中論盛

度話誦

四年己巳

先生年五十四任翰林學士有東太一宮修殿告十神太一真君祝文三月內累章請郡除龍圖閣學士知杭州案子由作先生墓志云宣仁心善先生辨蔡持正之謫出郊遣內侍賜龍茶銀合用前執政恩例先生以七月二日到杭州任謝表云江山故國所至如歸父老遺民與臣相問以先生去杭州十六年故有是語耳到任有謁文宣王廟祝文云昔自太史通守是邦今由禁林出使浙右又有謁諸廟祝文先生之帥杭也替林子中先生有和子中詩有江邊遺愛啼斑白之句是年過吳興又作定風波爲六客詞作范文正公文集序及跋邢惇夫賦次米元章
二王書跋
又有已巳重九和蘇伯固點絳脣是歲子由使契丹先生有詩送之有單于若問君家世莫道中朝第一人之句先生出牧餘
杭子由代先生爲學士

五年庚午

先生年五十五在杭州任有論西湖狀及論高麗公案有謝元祐五年歷曰表有與劉景文蘇伯固遊七寶寺題竹上絕句又有庚午重九點絳脣十月二十六日與晦老全翁元之敦夫遊南屏寺記點茶試墨說十二月遊小靈隱聽林道人彈琴及有乞僧子球師號狀除夜有和熙寧中題都廳詩序云熙寧中某

通守此邦除夜題一詩于壁本二十年矣蓋熙寧辛亥至元祐
庚午恰二十年是年又有書朱象先畫後及問淵明說

六年辛未

先生年五十六在杭州任被召按先生作別天竺觀音三絕序
云以三月九日被旨赴闕又案先生作參寥泉銘云予以寒食
去郡又上元作會有獻翦綵花者作浣溪沙寄袁公濟先生之
去杭也林子中復來替先生是以先生與子中敢有適相先後
之說過潤州作臨江仙別張秉道既到京師除翰林承旨復侍
邇英案子由所作穎濱遺老傳云先生召還本除吏部尙書復

東坡集卷一

年譜

三

以臣故改翰林承旨臣之私意元不違安乞寢臣新命與兄同
備從官不報六月作上清儲祥宮碑其略云元祐六年六月丙
午制詔臣某上清儲祥宮成當書之石臣待罪北門記事之成
職也案趙德麟侯鯖錄云先生元祐中再召入院作承旨乃益
舊擬作衣帶馬表云枯羸之質匪伊垂之帶有餘斂退之心非
敢後也馬不進數月以弟嫌請郡復以舊職知穎州案先生懷
舊別子由詩云元祐六年予自杭州召還寓居子由東廂數月
復出領汝陰時予年五十六矣到任有謁又宣王及諸廟文有
祭歐陽文忠文及有到穎未幾公帑已竭齋廚索然戲作數句

案趙德麟侯鯖錄云元祐六年冬汝陰久雪人餓一日天未明東坡先生簡召議事曰某一夕不寐念頽人之饑欲出百餘千造炊餅救之老妻謂某曰子昨過陳見傳欽之言簽判在陳賑濟有功不問其賑濟之法某遂相招令時面議曰已備之矣今細民之困不過食與火耳義倉之積穀數千石便可支散以救下民作院有炭數萬秤酒務有柴數十萬秤依元價賣之可濟中民先生曰吾事濟矣遂草放積欠賑濟奏陳履常有詩先生次韻有可憐擾擾雪中人之句爲是故也由此觀之先生善政救民之饑真得循吏之體矣又有聚星堂雪詩祭辨才文跋張

東坡集卷一

年譜

三

垂崖文後及志林載夢中論左傳說及論子厚鉞賦又有十二
月日與歐陽叔弼季默夜坐記道人問真說是年穎州災傷先
生奏乞罷黃河夫萬人開本州溝瀆從之

七年壬申

先生年五十七在穎州任案趙德麟侯鯖錄云元祐七年正月
東坡在汝陰州堂前梅花大開月色鮮霽先生王夫人曰春月
色勝如秋月色秋月令人慘悽春月令人和悅何如召趙德麟
輩茶飲此花下先生大喜曰吾不知子亦能詩邪此真詩家語

耳遂召與二歐飲先生用是語作減字木蘭花有不似秋光只

與離人照斷腸之句已而改知揚州先生之在穎也與趙德麟
同治西湖未幾有雜揚之命三月十六日湖成德麟有詩見懷
先生次韻又再和之及作雙石詩示僚友案冷齋夜話云東坡
鎮維揚幕下皆竒豪一日石塔長老求解院歸西湖坡將僚佐
袖中出疏使晁無咎讀之其詞有爲東坡而少留之句已而以
兵部尙書召有召還至都門先寄子由詩有一味豐年說淮穎
之句復兼侍讀是年南郊先生爲鹵簿使尋遷禮部尙書遷端
明侍讀學士有讀采暉傳題文潛語後及作醉翁操任兵部尙
書日有薦趙德麟狀

八年癸酉

東坡集卷一

年譜

三

先生年五十八任端明侍讀二學士是年先生繼室同安郡君
王氏卒於京師案先生作西方阿彌陀贊序云蘇某之妻王氏
元祐八年八月一日卒于京師謹案先生初娶通義郡君王氏
乃同安之堂姊也先生祭王君錫丈人云某始昏姻公之猶子
允有令德天闕莫遂惟公幼女嗣執壘篋由是推之通義爲同
安之堂姊明矣但未能究先生再娶之歲月耳又有八月二十
七日建隆章淨館成一絕有坐待宮人畫詔回之句復以二學

士出知定州九月十四日東府雨中作示子由云去年秋雨時

我在廣陵歸今年中山去白首歸無期蓋定州之除必在九月
丙亥到定州任有祭韓魏公文書定州學生硯蓋作中山松醪
賦是年又作杜輿子師字說及論子方蟲有夢南軒語

紹聖元年甲戌

先生年五十九知定州就任落兩職追一官知英州有辭宣聖
文行至滑州有乞舟行赴英州狀云帶家屬數人前去沫泗之
間乘舟泛江倍道而行至南康軍出陸赴任未到任間再取寧
遠軍節度副使惠州安置過虔州有記真君籤說云八月二十
一日過虔州與王巖翁同謁祥符宮又有鬱孤臺游字韻詩與

東坡集卷一

年譜

三七

霍守李倅吏和數首又有初入頓作又有題天竺樂大石刻予
年幼時先君自虔州歸言天竺有樂天詩今四十七年矣蓋先
生年十二老蘇歸自江南至是恰四十七年矣是年以十月三
日到惠州寓居嘉祐寺有初到惠州詩當月十二日與幼子過
同游白水佛迹浴於湯池有古詩又案長短句浣溪沙序云紹
聖元年十月十三日與程鄉令侯晉叔歸善簿覃及游大雲寺
野飲松下設松黃湯作此闕予家近釀酒名曰萬家春時有虔
州鶴田處士王原子直不遠千里來訪先生留七十日而去至

十一月有戲贈朝雲詩朝雲先生侍妾也又錄三十九歲潤州

道上過除夜兩絕付過及有跋朱表臣藏文忠公帖又有與
吳秀才書吳乃于野之子其書云過廣川買得檀香數斤定居
之後村門燒香深念五十九年之非矣是年九月過廣州訪道
士何德順又有記仙帖又作雪浪石盆銘又就嘉祐寺所居立
思無邪齋有贊乃紹聖元年十二月二十日所作也

二年乙亥

先生年六十在惠州有惠州上元夜詩詩云去年中山府老病
亦肯與今年江海上雲房寄山僧以歲月考之去年甲戌上元
先生知定州今歲乙亥寓嘉祐僧舍故有雲房寄山僧之句是

東坡集卷一

年譜

二十六

年遷居于合江亭以先生別王子直語觀之紹聖三年十月三
日始至惠州寓于嘉祐寺明年遷于合江之行館得江樓豁徹
之觀忘幽谷窈窕之趣乃知乙亥歲遷居合江樓明矣仍有松
江亭上賦梅花詩三首及有先生行年六十化之句三月四日

同太守詹範器之柯常林柞王原賴仙芝同遊白水山又有與
陳季常書云到惠州將半年矣先生以去年十月三日到惠州
三月恰半年矣又有九月二十七日惠州星華館思無邪齋書

記外祖程公逸事又有朝斗記讀管幼安傳書晉直跋遠景圖
北齋校書圖後又有爲幼子過書金光明經後及付僧惠誠遊

州先生年七未如德化縣君文有葬枯骨銘時詹守議葬暴骨
先生詩有江干白骨已銜恩之句

二年丙子

先生年六十一在惠州有和陶淵明移居詩云予去歲三月自
水東嘉祐寺遷居合江樓迨今一年得歸善後隙地數畝父老
云古白鶴觀也意欣然居之營白鶴新居始於是矣詩中乃有
葺思無邪齋之句先生甲戌寓居嘉祐寺已有思無邪齋贊矣
乙亥遷合江樓先有書程公逸事于星華館思無邪齋今丙子
欲營新居又曰葺思無邪齋嘉五年之間遷居不常意其思無

東坡集卷一

年譜

五

邪齋之名亦隨寓而安矣當爲惠州修東西新橋先生助以犀
帶而予由亦以史夫人項入內所賜金錢數千爲助及橋成日
先生有詩落之乃有歎我捐腰犀及有探囊賴故俟寶錢出金
閨之句又有曇秀道人來訪先生而先生題其詩卷云予在廣
陵曇秀作詩予和之後五年曇秀來惠州見予蓋先生以壬申知

揚州至是恰五年矣時吳遠遊陸道士客於先生歲莫以無酒

爲歎先生和淵明和張常侍詩云我年六十一顏景薄西山是

年又有丙子重九詩二百及書東臯子傳後祭寶月大師文七

月朝雲卒先生有詩悼之及作墓志又於惠州栖禪寺大聖塔

葬處作亭廢之名之六如亭又除夜前兩口長吳遠避有記食芋說案先生和淵明時運詩丁丑二月十四日白鶴峰新居成計其營新居之棟宇必在丙子秋冬之交有白鶴峰上梁文

四年丁丑

先王年六十二在惠州正月六日有題劉景文詩彼案先生和淵明時運詩云丁丑二月十四日白鶴峰新居成又案先生與張天和長官書云賤累禹月初可到又云承問賤累正月未已到朝上矣閏月上旬到此也又案先生丙子年與毛澤民書云長子授韶州仁化令中冬當挈家至此某已買得數畝地在白

東坡集卷一

年譜

三

鶴峰上古白鶴觀基也已令斫木陶瓦作屋二十間以此考之

先生長子自冬挈家至閏二月方到惠州案和時運詩序長子

邁與予別三年矣般挈諸孫萬里遠來不能無欣然先生長子

挈家必于丁丑閏二月上旬到惠州明矣所謂二月十四日新

居成必閏二月也三月先生作三馬圖及作陸道士墓志五月

先生責授瓊州別駕昌化軍安置案志林云予在惠州忽被命

責儋耳太守方子容自攜告身來弔予曰此固前定吾妻沈事

僧仰甚誠一夕夢和尚來辭云當與蘇子同行後七十二日有

命今適七十二日三月無門定乎遂嚴子過惠州獨與幼子過

渡海案子由作先生追和淵明詩序云東坡先生謫居儋耳真
家羅浮之下獨與幼子過負擔過海又至梧州寄子由詩序云
吾謫雷被命卽行了不相知至梧乃聞其尙在藤也旦夕當追
及至五月間果遇子由於藤州有藤州城下夜起望月寄邵道
士詩自藤出陸六月與子由相別案先生和淵明移居詩序云
丁丑歲予謫海南子由亦謫雷州五月十一日相遇於藤同行
至雷六月十一日相別渡海有雷州詩八首有行瓊州儋耳肩
輿坐睡中得句而遇清風急雨故作是詩有古詩一首以七月
十三日到儋州有儋州謝表案先生夜夢詩序云七月十三日

東坡集卷一

年譜

三

至儋州十餘日矣案子由作先生墓志云紹聖四年先生安置
昌化初僦官屋以庇風雨有司猶謂不可則買地築室昌化土
人畚土運甕以助之爲屋三間又案先生與程全交推官書云
初至僦官屋數椽近復遭迫逐不免買地結葺又案先生與程
儒書云近與兒子結茆數椽居之勞費不貲矣賴十數學者助
作躬泥水之役又云新居在軍城南極湫隘以意測之先生居
在軍城南鄰於天慶觀以先生天慶觀乳泉賦考之吾索居儋
耳卜築城南鄰於司命之宮先生又有枕柳菴銘云東坡居士
謫居儋耳無地可居偃息於枕柳林中摘葉書銘以記其處是

歲有過海得子由晝律註一首

元符元年戊寅

先生年六十三在蒼州有過子上元夜赴郡會守舍作違字韻詩及有讀晉書隱逸傳嶺南氣候說錄溫嶠問郭文語又於九月四日遊天慶觀有信道法智說是年吳子野來訪先生而先生以詩贈之其序云去歲與子野遊逍遙堂因往西山叩羅浮道院宿于西堂今歲索居儋耳子野復來相見作詩贈之又有記筮卦云戊寅十月五日以久不得子由書憂不去心以周易筮之得渙六三又有記諧說云海南以諸爲糧幾米之十六今歲諸菜不熟以客舶方至市有米也乃戊寅十月二十一日書又有戊寅十一月一日記海濤說

二年己卯

東坡集卷一

年譜

三

先生年六十四在儋州有己卯正月十三日錄盧仝杜子美詩遺滿是時久旱無雨陰翳未快至上元夜老書生數人相過曰良月佳夜先生能一出乎先生欣然從之步城西入僧舍歷小巷民夸雜採屠沽紛然歸舍已三鼓矣歸錄其事爲己卯夜書又有二月望日書茗耳說又有儋州詩二首有萬戶不禁酒三年真識翁之句先生丁丑來儋至是將三年矣是歲閏九月有

瓊州進士姜君弼唐佐自瓊州來儋耳從先生學又有作墨說
及題程全父詩卷後及有辟穀說又有與姜唐佐簡云已取天
慶觀乳泉潑建茶之精者念非君莫與其之又有十月十五日
與姜君簡

三年庚辰

先生年六十五歲在儋州人日聞黃河復作詩二首至上元又
和戊寅違字韻詩題後云戊寅上元予在儋耳過子夜出守舍
作違字韻詩今庚辰上元已再期矣家在惠州白鶴峰下過子
并婦從予來此又有五穀耗地說記唐郵老人言及養黃中說

東坡集卷一

年譜

三

姜君弼去年閏九月自瓊州來從先生學三月還瓊州有跋姜
君弼課策及有書柳子厚飲酒讀書二說以贈姜君之行案子
由樂城集有贈姜君詩序云子瞻嘗贈姜君弼兩句詩云滄海
何曾斷地脈白袍端爲破天荒他日登科當爲子足之必是

行以遺之也五月大赦量移廉州安置且先生之在儋也食芋
飲水著書以爲樂作書傳以推明上古之絕學又且謙冲下士
情及疎賤日與諸黎遊無間也嘗與重使張中同訪黎子雲欲
釀錢作居名之曰載酒堂矣又嘗上巳日尋諸生皆出獨與老
符秀才飲矣又嘗用過韻與記生冬至飲酒有愁顏解符老壽耳

闕吳公之句矣注云符吳皆坐客必老符秀才與吳子野也又
嘗以詩紀春夢婆矣案趙德麟侯鯖錄云東坡老人在昌化嘗
負大瓢行歌田畝間所歌者蓋哨遍也儼婦年七十云內翰昔
日富貴一場春夢坡然之里人呼此媪爲春夢婆坡一日被酒
獨行遍至子雪記黎之舍作詩云符老風流可奈何朱顏減盡
鬢絲多投彼每因東鄰女換扇惟逢春夢婆是日復見老符秀
才言此春夢婆之實也凡此數事皆先生海外之逸事也雖三
年居儋耳未知在甚年中今附于庚辰之歲庶以備觀閱云耳
又有儋州與姜君弼書某已得合浦文子又有與少游書目儋

東坡集卷一

年譜

三

之瓊作峻靈王廟碑云元符三年有詔徙廉州向西而辭六月
瓊州作惠通泉記遂渡海有過海詩又有烏喙詩序云子來
儋耳得大曰烏喙子遷合浦過澄邁泗而濟戲作是詩渡海到

廉州謝表有許承恩而內徙之句在廉州有廉州龍眼質味殊
絕可敵荔支詩又有題少游學書乃云庚辰八月二十四日書

于合浦清樂軒及記蘇佛尼語別廉守張左藏詩此皆在廉州
所作之詩也又有餅筴詩序云庚辰八月二十八日劉幾仲餞
別東坡中觴聞笙簫聲又有與鄭靖老書云到廉廉守云公已

行矣志林未成章得書傳十三卷某留此過中秋或至月末乃

行作木椽下水歷容藤至梧與邁約般家至梧相會追亦至惠
矣是歲又有移永州之命案先生謝提舉成都府玉局觀表云
先自昌化貶所移廉州又自廉州移舒州節度副使永州居住
行至英州復朝奉郎提舉成都府玉局觀任便居住經由廣州
有將至廣州用過字韻寄迨邁二子詩時朱行中舍人知廣州
先生有簡與朱行中云欲服帽請見先合咨稟廣州少留而考
先生題廣慶寺云東坡居士渡海北還吳子野何崇道穎堂通
三長老黃明達李公弼林子中自番禺追餞至清遠峽同遊廣
陵寺乃元符三年十一月十五日自此舟行清遠見顧秀才談
惠州之美遂作詩過英州拜玉局之除有何公橋詩過韶州有
次韻狄守李倅詩及作九成臺銘是年過嶺作詩二首寄子由
有七年來徃我何堪之語蓋先生甲戌責惠州已而過海至是
爲七年矣次年正月五日過南安軍計先生渡嶺必已歲除

徽宗皇帝建中靖國元年辛巳

先生年六十六度嶺北歸作南華長老題名記案題中載石鍾
山記云建中靖國元年正月五日自南陵還過南安軍舊法掾
吳君示舊所作石鍾山銘爲題其末乃知先生首正過南安必
矣有過嶺至南安作一首正月到虔州有與錢濟明書云某已

到虔州二月十開方離此又和舊所作鬱孤臺詩有虔州士人
孫志舉從先生游先生有和遲韻贈志舉先輩云我從海外歸
喜及崕峒春又有和志舉見贈云灑埽古玉局香火通帝閭又
用前韻謝崔次之見過云自我遷嶺外七見槐火春及發虔州
過吉州永和鎮清都觀有謝道士自言丙子生求詩為賦一首
及爲作贊并寫清都臺三字中塗又爲南安軍作學記寫海外
所作天慶觀乳泉賦四月舟行至豫章彭蠡之間遇成國程夫
人忌日乃寫圓通偈云行當施廬山有道者又有與胡仁脩書
云旦夕到儀真暫令邁一至常五月行至真州瘴毒大作病暴

東坡集卷二

年譜

三

下中止于常州案先生寄朱行中詩有至今不貪寶凜然照塵
寰之句先生注云前一日夢中作此詩寄行中覺而記之自不
曉案近日曾端伯百家詩選至朱行中事迹云東坡夢中寄朱
行中一篇南遷絕筆也嗟乎先生之又如萬斛泉源而乃止於
夢中寄行中之作此正絕筆獲麟之義惜哉六月上表請老以
本官致仕七月丁亥卒于常州賈七月二十八日也子由作先
生墓志云先生七月被病卒于毗陵吳越之民相與哭於市其
君子相與弔於家計聞於四方無賢愚皆咨嗟出涕太學之士

數百人相率飯僧惠林佛舍嗚呼先生文章爲百世之師而忠

義尤爲天下大開加之好賢樂善常若不及是宜訃聞之日士
民惜哲人之痿朝野嗟一鑑之逝皆出於自然之誠不可以彊
而致也以次年閏六月葬於汝州郟城縣釣臺鄉上瑞里

東坡集卷一

年譜

三七

而楚也其夫其聞六月葬於汝州郟城縣釣臺鄉上瑞里

凡此皆人之憂也惟此一鑑之逝皆出於自然之誠之可以彊

而致也夫其聞六月葬於汝州郟城縣釣臺鄉上瑞里

蘇軾字子瞻眉州眉山人生十年父洵游學四方母程氏親授以書聞古今成敗輒能語其要程氏讀東漢范滂傳慨然太息軾請曰軾若爲滂母許之否乎程氏曰汝能爲滂吾顧不能爲滂母邪比冠博通經史屬文日數千言好賈誼陸贄書旣而讀莊子歎曰吾昔有見口未能言今見是書得吾心矣嘉祐二年試禮部方時文磔裂詭異之弊勝王司歐陽脩思有以救之得軾刑賞忠厚論驚喜欲擢冠多士猶疑其客會輩所爲但貴第二復以春秋對義居第一殿試中乙科後以書見脩脩語梅聖俞曰吾當避此人出

東坡集卷一

本傳

三六

一頭地聞者始譁不厭久乃信服丁母憂五年調福昌主簿歐陽脩以才識兼茂薦之秘閣試六論舊不起草以故文多不工軾始具草文義粲然復對策入三等自宋初以來制策入三等惟吳育與軾而已除大理評事簽書鳳翔府判官關中自元昊叛民貧役重岐下歲輸南山木棧自渭入河經砥柱之險衙吏踵破家軾訪其利害爲脩衙規使自擇水工以時進止自是害減半治平二
年入判登聞鼓院英宗自藩邸聞其名欲以唐故事召入翰林知制誥宰相韓琦曰軾之才遠大器也他日目當爲天下用要在朝廷培養之使天下之士莫不畏慕降伏皆欲朝廷進用然後取而

用之則人人無復異詞矣今驟用之則天下之士未必以為然適足以累之也英宗曰且與脩注如何琦日記注與制詔為鄰未可遽授不若於館閣中近上帖職與之且請召試英宗曰試之未知其能否如軾有不能邪琦猶不可及試二論復八三等得直史館軾聞琦語曰公可謂愛人以德矣會洵卒賻以金帛辭之求贈一官於是贈光祿丞洵將終以兄太白早亡子孫未立妹嫁杜氏卒未葬屬軾輓既葬輓即墓姑後官可蔭推與太白曾孫彭熙寧二年還朝王安石執政素惡其議論異已以判官告院四年安石欲變科舉興學校詔兩制三館議軾上議曰得人之道在於知人知人之

法在於責實使君相有知人之明朝廷有責實之政則胥吏卑隸未嘗無人而況於學校貢舉乎雖因今之法臣以為有餘使君相不知人朝廷不責實則公卿侍從常患無人而況學校貢舉乎雖復古之制臣以為不足夫時有可否物有廢興方其所安雖暴君不能廢及其既厭雖聖人不能復故風俗之變法制隨之譬如江河之徙移疆而復之則難為力慶歷固嘗立學矣至于今日惟有空名僅存今將變今之禮易今之俗又當發民方以治宮室斂民財以食游士百里之內置官立師獄訟聽於是軍旅謀於是又簡不學教者屏之遠方則無乃徒為紛亂以患苦天下邪若乃無大

更章而望有益於時則與慶歷之際何異故臣謂今之學校特可
因仍舊制使先王之舊物不廢於吾世足矣至於貢舉之法行之
百年治亂盛衰初不由此陛下視祖宗之世貢舉之法與今爲孰
精言語文章與今爲孰優所得人才與今爲孰多天下之事與今
爲孰辦較此四者之長短其議決矣今所欲變改不過數端或曰
樂舉德行而略文詞或曰專取策論而罷詩賦或欲兼采舉望而
罷封彌或欲經生不帖墨而考大義此皆知其一不知其二者也
願陛下留意於遠者大者區區之法何預焉臣又切有私憂過計
者夫性命之說自子貢不得聞而今之學者恥不言性命讀其文

浩然無當而不可窮觀其貌超然無著而不可挹此豈真能然哉
蓋中人之性安於放而樂於誕耳陛下亦安用之議上神宗悟曰
吾固疑此得軾議意釋然矣即日召見問方今政令得失安在雖
朕過矣指陳可也對曰陛下生知之性天縱文武不患不明不患
不勤不患不斷但患求治太急聽言太廣進人太銳願鎮以安靜
待物之來然後應之神宗悚然曰卿三言朕當熟思之凡在館閣
皆當爲朕深思治亂無有所隱軾退言于同列安石不悅命權開
封府推官將困之以事軾決斷精敏聲聞益遠會上元勅府市浙
燈且令損價軾疏言陛下豈以燈爲悅此不過以奉二宮之歡耳

然百姓不可戶曉皆請以耳目不急之訖奪其口體必用之資此事主小體則甚大願追還前命卽詔罷之時安石創行新法軾上書論其不便曰臣之所欲言者三言而已願陛下結人心厚風俗存紀綱人主之所恃者人心而已如木之有根燈之有膏魚之有水農夫之有田商賈之有財矢之則亡此理之必然也自古及今未有和易回家而不安剛果自用而不危者陛下亦知人心之不悅矣祖宗以來治財用者不過三司今陛下不以財用付三司無故又創制置三司條例一司使六七少年日夜講求於內使者四十餘輩分行營幹於外夫制置三司條例司求利之名也六七少年

年與使者四十餘輩求利之器也造端宏大民實驚疑創法新奇吏皆惶惑以萬乘之主而言利以天子之宰而治財論說百端喧傳萬口然而莫之顧者徒曰我無其事何恤於人言操罔罟而入江湖語人曰我非漁也不如捐罔罟而人自信驅鷹犬而赴林藪語人曰我非獵也不如放鷹犬而獸自馴故臣以爲消讒慝而召和氣則莫若罷條司今君臣宵旰幾一年矣而富國之效茫如捕風徒聞內帑出數百萬糴祠部度五千餘人耳以此爲術其誰不能而所行之事道路皆知其難汴水濁流自生民以來不以種稻

今欲破而清之高頃之稻必用千頃之陂一歲一淤三歲而滿矣

陛下遂信其說卽使相視地形所在鑿空訪尋水利妄庸輕剝率
意爭言官司雖知其疎不敢便行抑退追集老少相視可否若非
灼然難行必須且爲與役官吏苟且順從真謂陛下有意興作上
靡帑廩下奪農時隄防一聞水失故道雖食議者之內何補於民
臣不知朝廷何苦而爲此哉自古役人必用鄉戶今者徒聞江浙
之闕數郡雇役而欲措之天下單丁女戶蓋天民之窮者也而陛
下首欲役之富有四海忍不加恤自揚炎爲兩稅租調與庸旣兼
之矣奈何復欲取庸萬一後世不幸有聚斂之臣庸錢不除差役
仍舊推所從來則必有任其咎者矣青苗放錢自昔有禁令陛下

東坡集卷一

本傳

四三

始立成法每歲常行雖云不許抑配而數世之後暴君汙吏陛下
能保之與計願請之戶必皆孤貧不濟之人鞭撻已急則繼之逃
亡不還則均及鄰保勢有必至異日天下恨之國史記之曰青苗
錢自陛下始豈不惜哉且常平之法可謂至矣今欲變爲青苗壞
彼成此所喪逾多虧官害民雖悔何及昔漢武帝以財力匱竭用
賈人桑羊之說買賤賣貴謂之均輸于時商賈不行盜賊滋熾幾
至於亂孝昭既立霍光順民所欲而予之天下歸心遂以無事不
意今日此論復興立法之初其費已厚縱使薄有所獲而征商之
類所損必多譬之有人爲其主畜牧以一牛易五羊一牛之失則

隱而不言五羊之獲則指爲勞績令壤常平而言青苗之功虧商稅而取均輸之利何以異此臣竊以爲過矣議者必謂民可與樂成難與慮始故陛下堅執不顧期於必行此乃戰國貪功之人行險僥倖之說未及樂成而怨已起矣臣之所願陛下結人心者此也國家之所以存亡者在道德之淺深不在乎疆與弱曆數之所以長短者在風俗之薄厚不在乎富與貧人主知此則知所輕重矣故臣願陛下務從道德而厚風俗不願陛下急於有功而貪富彊愛惜風俗如護元氣聖人非不知深刻之法可以齊衆勇悍之夫可以集事忠厚近於迂闊老成初若遲鈍然終不可以彼易此

者知其所得小而所喪大也仁祖持法至寬用人有敘專務掩覆過失未嘗輒改舊章考其成功則曰未至以言乎用兵則十出而九敗以言乎府庫則僅足而無餘徒以德澤在人風俗知義故升遐之日天下歸仁焉議者見其末年更多因循事不振舉乃欲矯之以苛察齊之以智能招來新進勇銳之人以圖一切速成之效未享其利澆風已成多開驟進之門使有意外之得公卿侍從跬步可圖俾常調之入舉生非望欲望風俗之厚豈可得哉近歲樸

拙之人愈少巧進之士益多惟陛下哀之救之以簡易爲法以清淨爲心而民德歸厚臣之所願陛下厚風俗者此也祖宗委任臺

諫未嘗罪一言者縱有薄責旋即起升許以風聞而無官長言及
乘輿則天子改容事闕廊廟則宰相待罪臺諫固未必皆賢所言
亦未必皆是然須養其銳氣而借之重權者豈徒然哉將以折姦
臣之萌也今法令嚴密朝廷清明所謂姦臣萬無此理然養貓以
去鼠不可以無鼠而養不捕之貓畜狗以防盜不可以無盜而畜
不吠之狗陛下得不上念祖宗設此官之意下爲子孫萬世之防
臣聞長老之譚皆謂臺諫所言常隨天下公議公議所與臺諫亦
與之公議所擊臺諫亦擊之今者物論沸騰怨讟交至公議靡在
亦知之矣臣恐自茲以往習慣成風盡爲執政私人以致人主孤

立紀綱一廢何事不生臣之所願陛下存紀綱者此也軾見安石
贊神宗以獨斷專任因試進士發策以晉武平吳以獨斷而克符
堅伐晉以獨斷而亡齊桓專任管仲而霸燕噲專任子之而敗事
同而功異爲問安石滋怒使御史謝景溫論奏其過窮治無所得
軾遂請外通判杭州高麗人貢使者發幣於官吏書稱甲子軾却
之曰高麗於本朝稱臣而不稟正朔吾安敢受使者易書稱熙寧
然後受之時新政曰下軾於其閒每因法以便民民賴以安徙知
密州司農行手實法不時施行者以違制論軾謂提舉官曰違制
之坐若自朝廷誰敢不從今出於司農是擅造律也提舉當驚曰

公姑徐之耒幾朝廷知法官民罷之有盜竊發安撫司遣三班使臣領悍卒來捕卒凶暴恣行至以禁物誣民入其家爭鬪殺人且畏罪驚潰將爲亂民奔訴軾投其書不視曰必不至此散卒聞之少安徐使人招出戮之徙知徐州河決曹邨泛于梁山泊溢于南清河匯于城下漲不時洩城將敗富民爭出避水軾曰富民出民皆動搖吾誰與守吾在是水決不能敗城驅使復入軾請武衛營呼卒長曰河將害城事急矣雖禁軍且爲我盡力卒長曰太守猶不避塗潦吾儕小人當效命率其徒持畚鍤以出築東南長隄首起戲馬臺尾屬于城南日夜不止城不沈者三版軾廬于其上

東坡集卷一

本傳

四五

過家不入使官吏分堵以守卒全其城復請調來歲夫增築故城爲木岸以虞水之再至朝廷從之徙知湖州上表以謝又以事不便民者不敢言以詩託諷庶有補於國御史李定舒亶何正言撫其表語竝媒孽所爲詩以爲訕謗逮赴臺獄欲寘之死鍛鍊久之不決神宗獨憐之以黃州團練副使安置軾與田父野老相從溪山間築室於東坡自號東坡居士二年神宗數有意復軾輒爲當路者沮之神宗嘗語宰相王珪蔡確曰國史至重可命蘇軾成之珪有難色神宗曰軾不可姑用曾鞏鞏進太祖總論神宗意不允遂手札移軾汝州有口蘇軾黜居思咎闕歲滋深人材實難不恐

終棄軾未至汝上書自言饑寒有田在常願得居之朝奏夕報可道過金陵見王安石曰大兵大獄漢唐滅亡之兆祖宗以仁厚治天下正欲革此今西方用兵連年不解東南數起大獄公猶無一言以救之乎安石曰二事皆惠卿啟之安石在外安敢言軾曰在朝則言在外則不言事君之常禮耳上所以待公者非常禮公所以待上者豈可以常禮乎安石厲聲曰安石須說又曰出在安石口入在子瞻耳又曰人須是知行一不義殺二不辜得天下弗爲乃可軾戲曰今之君子爭減半年磨勘雖殺人亦爲之安石笑而不言至常神宗崩哲宗立復朝奉郎知登州召爲禮部郎中軾舊

東坡集卷一

本傳

四六

善司馬光章惇時光爲門下侍郎惇知樞密院二人不相合惇每以謔侮困光光苦之軾謂惇曰司馬君實時望甚重吾許靖以虛名無實見鄙於蜀先主法正曰靖之浮譽播流四海若不加禮必以賤賢爲累先主納之乃以靖爲司徒許靖且不可慢况君實乎惇以爲然光賴以少安遷起居舍人軾起於憂患不欲驟履要地辭於宰相蔡確確曰公徊翔久矣朝中無出公右者軾曰昔林希同在館中年且長確曰希固當先公邪卒不許元祐元年軾以七品服入侍延和卽賜銀緋遷中書舍人初祖宗時差役行久生弊編戶充役者不習其役又虐使之多致破產狹鄉民至有終歲不

得息者王安石相神宗改爲免役使戶產高下出錢雇役行法者
過取以爲民病司馬光爲相知免役之害不知其利欲復差役差
官置局軾與其選軾曰差役免役各有利害免役之害措斂民財
十室九空斂聚於上而下有錢荒之患差役之害民常在官不得
專力於農而貪吏猾胥得緣爲姦此二害輕重蓋略等矣光曰於
君何如軾曰法相因則事易成事有漸則民不驚三代之法兵農
爲一至秦始分爲二及唐中葉盡變府兵爲長征之卒自爾以來
民不知兵兵不知農農出穀帛以養兵兵出性命以衛農天下便
之雖聖人復起不能易也今免役之法實大類此公欲驟罷免役

東坡集卷一

本傳

四七

而行差役正如罷長征而復民兵益未易也光不以爲然軾又陳
於政事堂光忿然軾曰昔韓魏公刺陝西義勇公爲諫官爭之甚
力韓公不樂公亦不顧軾昔聞公道其詳豈今日作相不許軾盡
言邪光笑之尋除翰林學士二年兼侍讀每進讀至治亂興衰邪
正得失之際未嘗不反覆開導覲有所啟悟哲宗雖默不言輒
首肯之嘗讀祖宗寶訓因及時事軾歷言今賞罰不明善惡無所
勸沮又黃河勢方北流而彊之使東夏人入鎮戎殺掠數萬人帥
柝以聞每事如此恐寢必衰亂之漸軾嘗鎖宿禁中召入對便殿

宣仁后問曰卿前年爲內官曰臣爲常州團練副使曰今爲何官

曰臣今待罪翰林學士曰何以遽至此曰遭遇太皇太后皇帝陛下曰非也曰豈大臣論薦乎曰亦非也賦驚曰臣雖無狀不敢自他途以進曰此先帝意也先帝每誦卿文章必歎曰奇才奇才但未及進用卿耳軾不覺哭失聲宣仁后與哲宗亦泣左右皆感涕已而命坐賜茶徹御前金蓮燭送歸院三年權知禮部貢舉會大雪苦寒士坐庭中噤未能言軾寬其禁約使得盡技巡舖內侍每擢辱舉子且持暖昧單詞誣以爲罪軾盡奏逐之四年積以論事爲當軸者所恨軾恐不見容請外拜龍圖閣學士知杭州未行諫官言前相蔡確知安州作詩借郝處俊事以譏太皇太后大臣議

東坡集卷一

本傳

四六

遷之嶺南軾密疏朝廷若薄確之罪則於皇帝孝治爲不足若深罪確則於太皇太后仁政爲小累謂宜皇帝敕置獄逮治太皇太后出手詔赦之則於仁孝兩得矣宣仁后心善軾言而不能用軾出郊用前執政恩例遣內侍賜龍茶銀合慰勞甚厚旣至杭大旱饑疫竝作軾請於朝免本路上供米三之一復得賜度僧牒易米以救饑者明年春又減價糶常平米多作館粥藥劑遣使挾醫分坊治病活者甚衆軾曰杭水陸之會疫死比他處常多乃哀羨緡得二千復發囊中黃金五十兩以作病坊稍畜錢糧待之杭本近海地泉鹹若居民稀小唐刺史李泌始引西湖水作六井民足於

水白居易又浚西湖水入漕河自河入田所溉至千頃民以殷富
湖水多葑自唐及錢氏歲輒浚治宋興廢之葑積爲田水無幾矣
漕河失利取給江湖舟行市中潮又多淤三年一洶爲民大患六
井亦幾於廢軾見茅山一河專受江湖鹽橋一河專受湖水遂浚
二河以通漕復造堰牐以爲湖水蓄洩之限江湖不復入市以餘
力復完六井又取葑田積湖中南北徑三十里爲長隄以通行者
吳人種菱春輒芟除不遺寸草且募人種菱湖中葑不復生收其
利以備修湖取救荒餘錢萬緡糧萬石及請得百僧度牒以募役
者隄成植芙蓉楊柳其上望之如畫圖杭人名爲蘇公隄杭僧淨

東坡集卷一

本傳

四九

源舊居海濱與舶客交通舶至高麗交譽之元豐末其王子義天
來朝因徃拜焉至是淨源死其徒竊持其像附舶徃告義天亦使
其徒來祭因持其國母二金塔云祝兩宮壽軾不納奏之因高麗
久不入貢失賜予厚利意欲求朝未測吾所以待之厚薄故因祭
亡僧而行祝壽之禮若受而不答將生怨心受而厚賜之正墮其
計今宜勿與知從州郡自以理却之彼庸僧猾商爲國生事漸不
可長宜痛加懲創朝廷皆從之未幾貢使果至舊例使所至吳越
十州費二萬四千餘緡軾乃令諸州量事裁損民獲交易之利無

復侵撓之害矣浙江潮自海門東來勢如雷霆而浮山峙於江中

與漁浦諸山犬牙相錯澗湫激射歲敗公私船不可勝計軾議自
浙江上流地名石門竝山而東鑿爲漕河引浙江及谿谷諸水二
十餘里以達于江又並山爲岸不能十里以達龍山大慈浦自浦
北折抵小嶺鑿嶺六十五丈以達嶺東古河浚古河數里達于龍
山漕河以避浮山之險人以爲便奏聞有惡軾者力沮之功以故
不成軾復言三吳之水潴爲太湖太湖之水溢爲松江以入海海
日兩潮潮濁而江清潮水常欲淤塞江路而江水清駛隨輒滌去
海口常通則吳中少水患昔蘇州以東公私船皆以篙行無陸挽
者自慶歷以來松江大築挽路建長橋以扼塞江路故今三吳多

東坡集卷一

本傳

五

水欲鑿挽路爲十橋以迅江勢亦不果用人皆以爲恨軾二十年
間再蒞杭有德於民家有畫像飲食必祝又作生祠以報六年召
爲吏部尙書未至以弟轍除右丞改翰林承旨轍辭右丞欲與兄
同備從官不聽軾在翰林數月復以讒請外乃以龍圖閣學士出
知潁州先是開封諸縣多水患吏不究本未決其陂澤注之惠民
河河不能勝致陳亦多水又將鑿鄧艾溝與潁河竝且鑿黃堆欲
注之於淮軾始至潁遣吏以水平準之淮之漲水高於新溝幾一
丈若鑿黃堆淮水顧流潁地爲患軾言於朝從之郡有宿賊尹遇
等數劫殺人又殺捕盜吏兵朝廷以名捕不獲被殺家復懼其害

臣不敢言軾召汝陰尉李直方曰君能擒此當力言於朝乞行優賞不獲亦以職奏免君矣直方有母且老與母訣而後行乃緝知盜所分捕其黨與手戟刺遇獲之朝廷以小不應格推賞不及軾請以已之年勞當改朝散郎階爲直方賞不從其後吏部爲軾當遷以符會其考試謂已許直方又不報七年徙揚州舊發運司主東南漕法聽操舟者私載物貨征商不得留難故操舟者輒富厚以官舟爲家補其弊漏且周船夫之乏故所載率皆速達無虞近歲一切禁而不許故舟弊人困多盜所載以濟饑寒公私皆病軾請復舊從之未閱歲以兵部尙書召兼侍讀是歲哲宗親祀南郊

東坡集卷一

本傳

五

軾爲鹵簿使導駕入太廟有楮繳犢車并青蓋犢車十餘爭道不避儀仗軾使御營巡檢使問之乃皇后及大長公主時御史中丞李之純爲儀仗使軾曰中丞職當肅政不可不以聞之純不敢言軾於車中奏之哲宗遣使齎疏馳白太皇太后明日詔整肅儀衛自皇后而下皆毋得迎謁尋遷禮部兼端明殿翰林侍讀兩學士爲禮部尙書高麗遣使請書朝廷以故事盡許之軾曰漢東平王請諸子及太史公書猶不肯予今高麗所請有甚於此其可乎乎不聽八年宣仁后崩哲宗親政軾乞補外以兩學士出知定州時國事將變軾不得入辭既行上書言天下治亂出於下情之通塞

至治之極小民皆能自通迨於大亂雖近臣不能自達陛下臨御九年除執政諫臺外未嘗與羣臣接今聽政之初當以通下情除壅蔽爲急務臣日侍帷幄方當戍邊顧不得一見而行况疎遠小臣欲求自通難矣然臣不敢以不得對之故不效愚忠古之聖人將有爲也必先處晦而觀明處靜而觀動則萬物之情畢陳于前陛下聖智絕人春秋鼎盛臣願虛心循理一切未有所爲默觀庶事之利害與羣臣之邪正以三年爲期俟得其實然後應物而作使既作之後天下無恨陛下亦無悔由此觀之陛下之有爲惟憂太蚤不患稍遲亦已明矣臣恐急進好利之臣輒勸陛下輕有改

變故進此說敢望陛下留神社稷宗廟之福天下幸甚定朝政壞弛諸衛卒驕惰不教軍校蠶食其廩賜前守不敢誰何軾取倉汙者配隸遠惡繕修營房禁止飲博軍中衣食稍足乃部勒戰法衆皆畏伏然諸校業業不安有卒吏以贓訴其長軾曰此事吾自治則可聽汝告軍中亂矣立決配之衆乃定會春大閱將吏久廢上下之分軾命舉舊典帥常服出帳中將吏戎服執事副總管王光祖自謂老將恥之稱疾不至軾召書吏使爲奏光祖懼而出訖事無一慢者定人言自韓琦去後不見此禮至今矣契丹久和邊軍不可用惟沿邊弓箭社與寇爲鄰以戰射自衛猶號精銳故相廩

籍守邊因俗立法歲久法弛又爲保甲所撓軾奏免保甲及兩稅折變科配不報紹聖初御史論軾掌內外制曰所作詞命以爲譏斥先朝遂以本官知英州尋降一官未至貶寧遠軍節度副使惠州安置居三年泊然無所蒂芥人無賢愚皆得其歡心又貶瓊州別駕居昌化昌化故儋耳地非人所居藥餌皆無有初僦官屋以居有司猶謂不可軾遂買地築室僦人運甓畚土以助之獨與幼子過處著書以爲樂時時從其父老游若將終身徽宗立移廉州改舒州團練副使徙永州更三大赦遂提舉玉局觀復朝奉郎軾自元祐以來未嘗以歲課乞遷故官止於此建中靖國元年卒于

東坡集卷一

本傳

三

常州年六十六軾與弟轍師父洵爲文旣而得之於天嘗自謂作文如行雲流水初無定質但當行於所當行止於所不可不止雖嬉笑怒罵之詞皆可書而誦之其體渾涵光芒雄視百代有文章以來蓋亦鮮矣洵晚讀易作易傳未究命軾述其志軾成易傳復作論語說後居海南作書傳又有東坡集四十卷後集二十卷奏議十五卷內制十卷外制三卷和陶詩四卷一時文人如黃庭堅晁補之秦觀張耒陳師道舉世未之識軾待之如朋儔未嘗以師資自予也自爲舉子至出入侍從必以愛君爲本忠規讜論挺挺大節羣臣無出其右但爲小人忌惡擠排不使安於朝廷之上高

宗卽位贈資政殿學士以其孫符爲禮部尙書又以其文真左右
讀之終曰忘倦謂爲文章之宗親製集贊賜其曾孫嶠遂崇贈太
師謚文忠軾二子邁道過俱善爲文邁駕部員外郎道承務郎過
字叔黨軾知杭州過年十九以詩賦解兩浙路禮部試下及軾爲
兵部尙書任右承務郎軾帥定武謫知英州貶惠州遷儋耳漸徙
廉永獨過待之凡生理晝夜寒暑所須者一身百爲不知其難初
至海上爲文曰志隱軾覽之曰吾可以安於島夷矣因命作孔子
弟子列傳軾卒於常州過墓軾汝州郟城小峨眉山遂家穎昌營
湖陰水竹數畝名曰小斜川自號斜川居士卒年五十二初監太

東坡集卷一

不傳

五四

原府稅次知穎昌府郟城縣皆以法令罷晚權通判中山府有斜
川集二十卷其思子臺賦颶風賦早行於世時稱爲小坡蓋以軾
爲大坡也其叔轍每稱過孝以訓宗族且言吾兄遠居海上惟成
就此兒能文也七子箒籍節笈篋遂節

論曰蘇軾自爲童子時士有傳石介慶歷聖德詩至蜀中者軾歷
舉詩中所言韓富杜范諸賢以問其師師怪而語之則曰正欲識
是諸人耳蓋已有誦頌當世賢哲之意弱冠父子兄弟至京師一
日而聲名赫然動於四方旣而登上第擢詞科入掌書命出典方
州器識之閎偉議論之卓犖文章之雄雋政事之精明四者皆能

以特立之志爲之主而以適徃之氣輔之故意之所向言足以達
其有猷行足以遂其有爲至於禍患之來節義足以固其有守皆
志與氣所爲也仁宗初讀軾轍制策退而喜曰朕今日爲子孫得
兩宰相矣神宗尤愛其文宮中讀之膳進忘食稱爲天下奇才二
君皆有以知軾而軾卒不得大用一歐陽脩先識之其名遂與之
齊豈非軾之所長不可掩抑者天下之至公也相不相有命焉嗚
呼軾不得相又豈非幸歟或謂軾稍自韜戢雖不獲柄用亦當免
禍雖然假令軾以是而易其所爲尙得爲軾哉

東坡集卷一

本傳

五

